

Mid-Day Dogri News Bulletin, 12th January 2025

समे — 12:25

<><><><><>

PM-Viksit Bharat

अज्ज राष्ट्र युवा दिवस दे मौके पर प्रधानमंत्री नरेन्द्र मोदी होर नमीं दिल्ली दे भारत मंडपम च “विकसित भारत युवा नेता संवाद-2025” च हिस्सा लैंगन। प्रधानमंत्री होर केइए गतिविधिएं च शामिल होंगन जेहड़ी राष्ट्र दे भविष्य युवा नेताएं गी सशक्त बनाने लेई ते उनेंगी प्रेरणा देने लेई तैआर कीतियां गेइयां न। इस मौके पर प्रधानमंत्री होर “विकसित भारत चैलेंज” राएं चुनोए दे त्रै जहार युवाएं कन्नै गल्लबात बी करगन। कार्यक्रम दरान युवा विकसित भारत लेई उंदे नजरियै गी ध्याने च रखदे होई तैआर कीती गेदियां प्रदर्शनियां **बी**

दससियां जाडन। एहदे शा पैहले कल प्रधानमंत्री होरें आखेआ जे विकसित भारत युवा संवाद राष्ट्र दी विकास यात्रा च युवाएं दी शमूलियत जकीनी बनाने लेई इक खास ते अनोखा मंच ऐ। उनें आखेआ जे एह कार्यक्रम युवाएं दी समर्थ ते उंदी सोच गी विकसित भारत दे बिजन गी जकीनी बनाने लेई इक महत्वपूर्ण गैह साबत होग। प्रधानमंत्री नरेन्द्रा मोदी होरें आखेआ ऐ जे विकसित भारत युवा नेता संवाद देशै दे युवाएं गी राष्ट्रे दी विकास यात्रा च शामिल करने दी इक अनोखी पैहल ऐ । मोदी होरें युवा ते खेड मामलें दी राज्या मंत्री रक्षा खडसे हुंदा राष्ट्री युवा उत्सव 2025 ते विकसित भारत युवा नेता संवाद पर लिखे दा इक लेख साझा कीता। उने आखेआ जे इस कार्यक्रम दा मकसद विकसित भारत दे सुखने गी साकार करने आस्तै युवा मस्तिष्कें दी ऊर्जा, रचनात्मकता ते नेतृत्व गी दिशा प्रदान करना ऐ।

<><><><><>

PM-Sonamarg Tunnel

जम्मू-कश्मीर लेई इक महत्वपूर्ण पैहलकदमी दे तैहत प्रधानमंत्री नरेन्द्र मोदी होर औंदी 13 जनवरी गी बड़े मते सामरिक महत्वै आहली 6 किलोमीटर 400 मीटर लम्मी सोनामर्ग सुरंग दा उद्घाटन करडन। प्रधानमंत्री हुंदे दौरे शा पैहले समूलचे खित्ते, खासकरियै श्रीनगर ते मध्य कश्मीर च सुरक्षा सरबन्धी हीले निगगर करी दित्ते गे न। 2 जहार 700 करोड़ रुपें दी इस परियोजना कन्नै श्रीनगर ते सोनामर्ग बश्कार पूरे ब'रे हर रूतै च सिड़क संपर्क दी सुविधा उपलब्ध होग ते कन्नै मुकामी कारोबार ते सैलसफा गी बी बढावा थ्होग। इस परियोजना

कन्नै श्रीनगर ते लेह बश्कार सफर दा समें बी घटोग ते एह इलाकाई ढांचागत विकास ते संपर्क दे लेहाज कन्नै खित्ते च इक ऐतिहासिक गैह साबत होग।

<><><><><><>

CM Sonamarg Yunnel

प्रधानमंत्री नरेन्द्र मोदी हुंदे आस्सेआ सोनामर्ग सुरंग दा औपचारिक उद्घाटन करने थमां पैहले मुख्यमंत्री उमर अब्दुल्ला होरें गांदरवल जिले दे सोनामर्ग च परियोजना आली थाहर दा दौरा लाया ते कीते जा'रदे इंतजामें दा जायजा लैता। इस मौके पर उंदे सलाहकार नासिर असलम वाणी ते कंगन थमां विधायक मियां मेहर अली होर मजूद हे। मुख्य सचिव अटल डुल्लू ते कश्मीर दे डिवीजनल कमीशनर वी.के.बिदुरी होरें मुख्यमंत्री होरें गी सरबंधी व्यापक ब्यौरा उपलब्ध करोआया। श्रीनगर-लेह जरनैली शिड़क पर बनी दी 6.4 किलोमीटर लम्मी रणनीतिक स्हाबै महत्वै आली सुरंग दा उद्घाटन प्रधानमंत्री हुंदे आस्सेआ कीता जाग। मुख्यमंत्री होरें सुरंगे दा जायजा लैता ते कम्में च लग्गे दे इंजीनियरें ते कम्मगारें कन्नै गल्ल कीती। उनें उस थाहरै दा बी दौरा लाया जित्थुआं प्रधानमंत्री होर किट्ठै गी संबोधत करगन।

<><><><><><>

DC Doda – Crash Barriers

डोडा दे डिप्टी कमिशनर हरविंदर सिंह होरें डोडा जिले दी अस्सर ते बग्गर थाहरें दा दौरा लाइयै उत्थे नमें सिरैया तैयार क्रैश बैरियर लाने दे जारी कम्मै दा निरीक्षण कीता। इ'नें क्रैश बैरियरें गी ओकड़ी थाहरें उप्पर लाया जा करदा ऐ जित्थे पैहले केई बारी सिड़क हादसे पेश आए दे न। इ'नें लाने दा मकसद भविक्ख च सिड़क हादसें गी रोकना ते लोकें दी जिंदुएं दी सुरक्षा जकीनी बनाना ऐ। ध्यानजोग ऐ जे डोडा जिले च नमें सिरैया तैयार क्रैश बैरियरें दा इस्तेमाल पैहली बारी कीता जा करदा ऐ।

<><><><><><>

DDC Reasi

रियासी दियां डिप्टी कमिशनर निधि मल्लिक होरें इक बैठक लाईए पीएम सुर्या घर मुफ्त बिजली योजना दी प्रगति दा जायजा लैता। बैठक दौरान डिप्टी कमिशनर होरें पूरे जिले च हर कुदे मीटर लाने लेई गलाया ते इस कम्मे गी तरजीह देने लेई आक्खेआ। उनें सारे

मुतलका अधिकारिणं गी इस प्रक्रिया गी पूरा करने आस्तै अपनी रफतार गी तेज करने लेई आक्खआ तां जे लोकें गी पारदर्शी ढंगे सिर बिजली उपलब्ध होई सकै। डीडी सी होरें सब डिविजन मैजिस्ट्रेट होरें गी हिदायत कीती जे ओह पी एम सुर्या घर मुफ्त बिजली योजना दी अमलावरी पर नेडमी तक्क रक्खने लेई आखेआ।

<><><><><><>

DC Poonch

पुछ दे डिप्टी कमीशनर विकास कुण्डल होरें अजोट ग्रांच च केन्द्रीय विद्यालय बनाने लेई प्रस्तावित निर्माण आहली थाहर दा दौरा लाया। अपने दौरे दौरान डिप्टी कमीशनर होरें जमीन दी उपलब्धता ते होरने मुतलका चीजे द जायजा लैता। डिप्टी कमीशनर होरें अजोट ग्रां दे बसनीकें गी इसदे लेई मुकारकबाद दिती उनें आक्खेआ जे एदे कन्ने इलाके च शिक्षा दा म्यार बेहतर होग ते लोकें गी शिक्षा सरबन्धी बड्डी सहूलत हासिल होग। उनें आक्खेआ जे नमे केन्द्रीय विद्यालय कन्ने मुक्मी युवाएं आस्ते भविक्ख सरबन्धी नमे मौके पैदा होडन।

<><><><><><>

Director Horticulture

बागवानी विभाग जम्मू दे डरैक्टर सी.एल. शर्मा होरें ज्वाईंट डरैक्टर विकास आनंद हुंदे कन्नै डोडा जिले दा द'ऊं दिनें दा व्यापक दौरा लाइयै उत्थे बागवानी दे खेत्तर च कीती जा'रदी विकास गतिविधिणं ते बक्ख-बक्ख योजनाएं जि'आं केपैक्स ते केन्द्र आसेआ चलाई जा करदी योजनाएं दी अमल-आवरी दा बी जायजा लैता। अपने दौरे दरान उनें करसानें गी आग्रैह कीता जे ओह केन्द्र सरकार आसेआ चलाई जा करदी बक्ख-बक्ख योजनाएं थमां लाह हासल करन। उनें गलाया जे जिले च बागवानी फसलें दी रड़ दी बड़ी मती समर्थ मजूद ऐ इसकरियै बागवानें गी आपूं अग्गे आइयै इस समर्थ दा बद्धोबद्ध लाह ठोआना लोडचदा ऐ।

<><><><><><>

Weather / Highway

मौसम विभाग नै 14 जनवरी तगर मौसम खुशक ते बदलोखड़ा रौहे दी पेशगोई कीती ऐ। यात्रुणं गी राष्ट्री जरनैली शिड़क उप्पर दिन दे समें च यात्रा करने दी सलाह जारी कीती गई ऐ। उआं जम्मू श्रीनगर राष्ट्री जरनैली शिड़क उप्पर दौने बक्खी दा गड्डिणं दी आओजाई

बरोबर जारी ऐ। तोआई मुगल शिड़क जेहड़ी राजौरी ते पुंछ गी शोपियां जिले कन्नै जोड़दी ऐ, पिच्छले केई दिनें थमां बर्फ गी हटाने दे कम्म दे चलदे अजे बी बंद पेदी ऐ।

<><><><><><>